



---

**- SENAT -**

Broj: 0101-3100/17

Sarajevo, 26. 04. 2017. godine

**Z A P I S N I K**  
**SA 3. VANREDNE SJEDNICE SENATA**  
**ODRŽANE 26. 04. 2017. GODINE**

Prisutni članovi Senata: prof. dr. Rifat Škrijelj, rektor, prof. dr. Željko Šain, prof. dr. Aida Hodžić, prof. dr. Maida Čohodar-Husić i prof. dr. Izet Rađo, prorektori, prof. Marina Finci, prof. dr. Mersad Čuljević, prof. dr. Erdin Salihović (po ovlaštenju), prof. dr. Vedad Silajdžić (po ovlaštenju), prof. dr. Samim Konjicija, doc. dr. Goran Kovačević (po ovlaštenju), prof. dr. Saćir Filandra, prof. dr. Nusret Smajlović, prof. dr. Samir Čaušević, prof. dr. Dijana Avdić, prof. dr. Davorka Završnik, prof. dr. Salih Fočo, prof. dr. Mustafa Hrasnica, prof. dr. Darko Tomašević, prof. dr. Izet Bijelonja, prof. dr. Almira Hadžović-Džuvo, prof. dr. Senad Kazić, prof. dr. Fatih Destović, prof. dr. Zlatan Sarić, prof. dr. Hajrija Sijerčić-Čolić, prof. dr. Mustafa Memić, prof. dr. Sedin Kobašlija (po ovlaštenju), prof. dr. Faruk Bogunić (po ovlaštenju), prof. dr. Hajrudin Beširović (po ovlaštenju), prof. dr. Munib Tahirović, prof. dr. Naris Pojskić, dr. sc. Senija Milišić, dr. sc. Rasim Muratović, dr. sc. Jasmin Hodžić (po ovlaštenju), te predstavnici Studentskog parlamenta Univerziteta u Sarajevu: Merim Serdarević, predsjednik SPUS-a, Haris Zahiragić, Mirela Mujović, Azra Dizdar, Arnel Terzić, Resul Alić, Melis Aščić i Mirza Ibrahimović, student-prorektor.

Ostali prisutni: Elmedin Konaković, premijer Vlade Kantona Sarajevo, prof. dr. Elvir Kazazović, ministar za obrazovanje, nauku i mlade Kantona Sarajevo, dr. sc. Suvad Konaković, generalni sekretar Univerziteta u Sarajevu, i Velija Katica, član Upravnog odbora Univerziteta u Sarajevu.

Odsutni članovi Senata: prof. dr. Aleksandra Nikolić i prof. Zijad Mehić, prorektori, prof. dr. Zuhdija Hasanović, dr. sc. Adnan Kadrić, Nadira Alimanović, student prvog ciklusa studija Elektrotehničkog fakulteta, Bakir Ganić, student prvog ciklusa studija Šumarskog fakulteta.

Sjednica je počela sa radom u 16:00 sati.

Predsjedavao je rektor prof. dr. Rifat Škrijelj, na čiji je prijedlog usvojen sljedeći

**D N E V N I R E D**

1. Prijedlog utvrđivanja cijene koštanja studija po studentu i visina školarina za samofinansirajuće, vanredne i DL studente na Univerzitetu u Sarajevu.
2. Tekuća pitanja

## TOK SJEDNICE

### Ad-1.

Senat Univerziteta u Sarajevu je u okviru tačke „Prijedlog utvrđivanja cijene koštanja studija po studentu i visina školarina za samofinansirajuće, vanredne i DL studente na Univerzitetu u Sarajevu“ proveo raspravu u kojoj su učesće uzeli rektor prof. dr. Rifat Škrijelj, prof. dr. Salih Fočo, premijer Vlade Kantona Sarajevo Elmedin Konaković, ministar za obrazovanje, nauku i mlade Kantona Sarajevo prof. dr. Elvir Kazazović, prof. dr. Samim Konjicija, prof. dr. Izet Bijelonja, prof. dr. Izet Rađo, prof. dr. Darko Tomašević i prof. dr. Vedad Silajdžić.

Nakon trosatne diskusije o prijedlogu utvrđivanja cijene koštanja studija po studentu i visine školarina za samofinansirajuće, vanredne i DL studente na Univerzitetu u Sarajevu, Senat Univerziteta u Sarajevu je jednoglasno donio sljedeće

### ZAKLJUČKE

1. Senat Univerziteta u Sarajevu je konstatirao da je prioritet zajednički rad kroz dijalog sa Vladom Kantona Sarajevo na donošenju Zakona o visokom obrazovanju Kantona Sarajevo, te je zaključeno da će se u utorak 16. maja 2017. godine održati zajednička sjednica Vlade Kantona Sarajevo i Senata Univerziteta u Sarajevu na kojoj će biti razmatran prijedlog novog zakona o visokom obrazovanju, kao i prijedlozi i mišljenja u amandmanskoj formi koji su usvojeni od Senata Univerziteta u Sarajevu.
2. Zadužuju se stručne službe Rektorata Univerziteta u Sarajevu da tekst Prijedloga Zakona o visokom obrazovanju prosljede svim organizacionim jedinicama Univerziteta u petak 12. 05. 2017. godine.
3. Nakon donošenja zakona o visokom obrazovanju Kantona Sarajevo pristupit će se izradi standarda i normativa Kantona Sarajevo u skladu sa novim zakonom.
4. Formirat će se ekspertna komisija koju će činiti predstavnici Univerziteta u Sarajevu i Ministarstva za obrazovanje, nauku i mlade Kantona Sarajevo s ciljem izrade elaborata o cijeni koštanja studija po studentu i prijedloga modela finansiranja Univerziteta. Utvrđeni Prijedlog odluke o izmjeni i dopuni Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu, koji je usvojen u nastavku 7. sjednice Senata održane 3. maja 2017. godine, kao i materijal pripremljen za 3. vanrednu sjednicu, bit će radni materijal za izradu elaborata.
5. Univerzitet u Sarajevu će zatražiti od Vlade Kantona Sarajevo da, u okviru budžetskih mogućnosti, a zbog povećanja broja članica Univerziteta u Sarajevu sa 22 na 24, razmotri povećanje postojeće tranše koju doznačava Univerzitetu u Sarajevu.
6. Univerzitet u Sarajevu je u Fondu za razvoj Univerziteta obezbijedio finansijska sredstva za izradu eksterne revizije finansijskog poslovanja Rektorata i organizacionih jedinica za 2016. godinu.
7. Na prijedlog Studentskog parlamenta Univerziteta u Sarajevu, ŠV20 obrasci će biti dostupni u elektronskoj formi od početka naredne studijske godine.

## **Ad-2.**

U okviru tačke „Tekuća pitanja“ rektor prof. dr. Rifat Škrijelj je zamolio premijera Vlade Kantona Sarajevo Elmedina Konakovića i ministra za obrazovanje, nauku i mlade Kantona Sarajevo da daju odgovor Senatu Univerziteta na nekoliko pitanja koja se tiču davanja saglasnosti na raspisivanje konkursa i to:

- da li je potrebno tražiti saglasnost od Vlade Kantona Sarajevo na raspisivanje konkursa za izbor u zvanja ukoliko se radi o napredovanju akademskog osoblja ili ukoliko se radi o odlasku akademskog osoblja u penziju i prijemu novog, te ukoliko se desi smrtni slučaj, za popunu upražnjenog radnog mjesta?

Premijer Vlade Kantona Sarajevo je istakao da se saglasnost mora tražiti samo ukoliko se radi o novom zapošljavanju, a što bi podrazumijevalo i slučaj smrti, odnosno popunu upražnjenog radnog mjesta.

Rektor je također u okviru ove tačke izrazio zahvalnost Vladi Kantona Sarajevo na spremnosti u iznalaženju mogućnosti zapošljavanja većeg broja asistenata na Univerzitetu u Sarajevu putem Službe za zapošljavanje Kantona Sarajevo.

Sjednica je završena u 19:30 sati.

**Rektor**

**Prof. dr. Rifat Škrijelj, s. r.**

Zapisničar:

Mirnes Ibrić, dipl. iur., s. r.